



ワ 4
6644
8



74
6644
8



大清通禮卷之二十三 東漸不宣 國朝禮制 一

嘉禮 祭典 軍禮 燕禮 燕射 燕食 燕樂 燕射 燕食 燕樂

皇帝大昏之禮。文惠於典則不古。亦樂於五。國朝人。亦於

制下。禮部編布諸司供備。諏納采。大徵奉迎。吉日以

聞。會工部製金

冊金

寶翰林院撰

制冊文進呈

欽定。送內閣恭鐫如儀。冊后儀詳納采之禮。內務府官備文

大清通禮 卷二十二 一

大清通志 卷二十一
馬十鞍轡具甲冑十幣百布二百以埃將屆期禮部奏

請

命尚書一人充納采使內務府總管一人充副使屆日黎明禮部鴻臚寺官設節案一於

太和殿正中東西肆內閣官自閣奉

節陳於案退內務府官以龍亭分載甲冑布帛陳於丹陛上左右陳文馬於丹陛下左右黎明正副使入祇埃於丹墀東鴻臚寺序班二人立使者之右少後授節大學士一人立殿東檐下宣制鴻臚寺官一人立大

學士之右少後均朝服西面鳴贊二人朝服分立殿外東西柱前東西面欽天監官報吉時屆鳴贊贊齊大班序班引使者就丹墀東班拜位立北面西上贊進少進贊跪叩興行三跪九叩禮興序班引使者升東階至丹陛北面立鳴贊贊有制使者跪宣制官進至殿中門之左西面宣

制曰

皇帝欽奉

皇太后懿旨。納某女某氏爲后。命卿等持節。以禮納采。宣畢。

大學士進

殿左門。詣案奉

節。由中門闌左出。至丹陛。以授正使。正使受

節。偕副使興。前行。降中階左。內務府官率校尉。舁禮物龍

亭。隨降衛士牽文馬從。御仗前導。由

太和。中門出。詣

皇后邸第。

右傳制遣使納采

是日。后父飭子弟潔掃邸第。有司豫設案於廳事。正中。東西肆。左右各一。南北肆。使者持

節至邸。將及門。下馬。后父朝服出迎於大門外道左。跪候。過興。使者入中門。升中階。登堂。陳

節中案。偕副使退就案東。西面立。龍亭隨入。至儀門外止。內務府官奉甲冑布帛入登堂。陳於左右各案。衛士以馬入。陳於庭左右。訖。后父升自西階。詣中門外北。面跪。使者少進。西面傳

制納采。復位。后父聽

制行三跪九叩禮。興受諸禮物。使者詣案奉

節。出副使從。后父跪送於大門外。如初。內務府官皆出。使

者乘馬復

命還

節有司。

右使者傳制納采

納采禮成。有司詣

皇后邸設燕。

皇帝特命公主。大臣命婦。燕后母於內。

命內大臣侍衛。八旗公侯以下。滿漢二品以上官。燕后父

於外。外燕朝服。后父為賓。席東上。內燕常服。后母為

賓。席西上。序坐。行酒三巡。如常燕儀。

右納采筵燕

次行大徵禮。所司備黃金二百兩。白金萬兩。黃金茶

器一。白金茶器二。盆二。幣千。文馬二十具。鞍轡閑馬二

十。馱甲二十。備

賜后父。后母黃金百兩。茶器一。白金五千兩。茶器一。盆一。

帛五百。布千。馬六。鞍轡甲胄一。弓一。韃。矢一服。朝服

大清通志 卷一百一十二
各二襲衣各一稱皆冬一夏一貂裘各一帶一備

賜后兄弟及從人服物有差屆日有司陳大徵禮物於丹

陸上陳

賜物於丹陛下禮部奏請

命使傳

制授

節於

太和殿儀如納采使者承

制持

節詣

皇后邸執事官陳禮物於堂陳

賜物於階上陳馱馬於庭中使者傳

制后父聽

制行禮儀注均與納采同傳

制訖后父降階率子弟詣庭東向

節行三跪九叩禮豫往大門外祇埃后母率諸婦出詣庭

西向

節行六肅三跪三叩禮畢退使者持

節出。后父以下跪送。使者復

命還

節退。

右大徵

及大昏前一日。遣官各一人。祇告

天。

地。

太廟。

奉先殿。如常儀。

右祇告

屆日行

冊迎禮。禮部奏請

命大學士一人充

冊迎使。尚書一人副之。所司豫疏列內外執事官奏請。

命內大臣十人侍衛十人。充護從官。

命二品以上命婦四人充前導。七人充後扈。十人充恭侍。

其日。內鑾儀衛設

皇太后儀駕。鹵簿樂懸於

慈寧宮常次。如儀禮部。鴻臚寺官。設節案。冊寶案。於

太和殿內。設龍亭於內閣門外。鑾儀衛陳

法駕鹵簿。樂部和聲署陳樂懸。各依常次如式。又陳

中宮車輅於

太和門階下。陳

儀駕鹵簿於

午門外。內務府官。陳冠服於車輅之南。黎明。內閣禮部

官自閣奉

金冊。

金寶及宣讀

冊文

寶文。分設龍亭內。禮部侍郎奉

節。同詣

太和殿。恭陳各案。王公文武百官。記注糾儀執事各官。

朝服陪位冊迎。使序立於丹墀東。扈從內大臣侍衛

在其後。均朝服。授節大學士。宣制鴻臚寺官舉冊寶

案。內閣禮部官朝服序立於

殿檐下。並如

冊后遣使之儀。欽天監官報吉時。屆禮部尚書侍郎詣

乾清門奏時。遂前導

駕。

皇帝禮服。乘輿出官前。引後扈。如常儀。出

隆宗門。至

永康左門。降輿入。立於

慈寧門外。東位西向。內監轉奏

皇太后陞

慈寧宮寶座。禮部尚書侍郎恭導

皇帝就正中拜位。北向行三跪九拜禮。畢

皇太后還宮。

皇帝自永康左門。乘輿仍入

隆宗門。由

保和殿北門出。

御太和殿。

午門鳴鐘鼓。作樂。鳴鞭。序班引正副使就拜位。行禮。畢

升東階北面。跪。宣制官宣

制詞曰。

大清通志
卷二十一
皇帝欽奉

皇太后懿旨。納某氏爲皇后。茲當吉月。令辰。備物典冊。命卿等以禮奉迎。宣畢。大學士授

節於正使。偕副使興。執事官舉

冊寶案。隨降中階。設龍亭內。以次出

太和門

皇帝還宮。鳴鞭作樂。並如

冊后遣使之儀。冊迎使出。扈從內大臣侍衛從出。至

太和門外。冊迎使持

節在前。次

冊寶亭。次

中宮車輅冠服。

儀駕鹵簿。遂行。詣

皇后邸。

右臨軒遣使冊迎

是日。步軍統領。飭所部清蹕除道。自

大清門。至於后邸。宮殿監督。領侍率內監。備

交泰殿內外鋪陳。恭侍命婦朝服。豫詣

殿外祇埃導從命婦贊引侍儀宣讀女官朝服及給事
后邸內監彩服均詣

皇后邸祇埃有司設節案一於邸第內堂正中南設香案
均東西肆設冊寶案於東西各一均南北肆設

皇后拜位於香案前北向宣讀女官二人立東案之南西
面侍儀女官四人立拜位左右東西面內監於外堂
階下承應使者持

節至邸下馬后父率子弟朝服出迎於大門外如前儀使
者入升中階立於外堂之東副使在其左均西面

冊寶亭隨入權設於外堂左右內務府官奉冠服授內監
齋入轉授女官以進

皇后內鑾儀校陳鳳輿於階上正中陳車輅

儀駕鹵簿於階下左右至大門內樂部和聲署陳導迎樂
於大門左右后父升自西階詣外堂中門外正中北
面跪使者西面傳

制冊復位后父聽

制行三跪九叩禮與退至階西內監入轉奏

皇后御禮服贊引女官恭導出閤門外道右埃后母及諸

婦朝服詣外堂門內道右正使授

節於內監副使自龍亭奉

冊寶以授內監均奉自中門入后母以下跪候過與

皇后立候過隨入內監奉

節

冊寶陳於各案退贊引女官引

皇后就拜位跪宣讀女官次第宣

冊

寶

皇后受

冊受

寶行禮均如官中

冊立儀內監奉

節出授使者

皇后及母祇送如初贊引導

皇后入閣少憩女官奉

冊寶仍授內監分設於龍亭

右受冊寶

冊禮既成。欽天監官報陞輿吉時。屆內鑾儀校進鳳輿於

內堂階下正中。南向。命婦導。命婦恭導。

皇后出閣。後扈命婦翼擁降階。后母率諸婦送至輿前。

皇后陞禮輿。后母及諸婦少退。冊迎使持

節出乘馬先行。后父跪送如初。輿少退。次導迎樂。陳而次不作。

儀駕鹵簿車輅次。

冊寶亭次。

皇后鳳輿啟行。出大門。命婦乘騎導從。內監步行。左右扶

輿。內大臣侍衛在後乘騎護從。由

大清門中門入。至金水橋。冊迎使下馬。持

節入。

皇后輿至午門外。鳴鐘鼓。

儀駕鹵簿止。九鳳曲蓋前導。執事命婦下馬。步行導從。內

大臣侍衛於金水橋步從。由

午門。

太和門中門入。

中左門。

後左門。至

大清通志 卷三十三 三
乾清門龍亭止冊迎使復

命還

節偕內大臣侍衛各退內監奉

冊寶於亭前行恭導命婦導

鳳輿入

乾清中門至

乾清宮階下轉啟

皇后降輿詣

交泰殿導從命婦退恭侍命婦祇迎

皇后入中宮內監奉

冊寶授守寶內監退合盞吉時屆宮中設合盞燕監督領

侍具奏

皇帝禮服御中官行合盞禮給事官人恭侍命婦皆退

右合盞

翼日尚膳潔具

皇后盥饋

皇太后御席又具

皇太后醴饗

皇后御席。內監侍豫設朝見拜位於

慈寧宮內正中。北向。又設醴位於東西南南向。質明。

皇太后儀駕鹵簿。樂懸。陳設。如常儀。內監轉啟

皇后行朝見禮。

皇后禮服。出中宮。乘輿。導從如儀。

詳見三節。

慈寧宮。降輿。引入丹陛上。西位東向立。內監轉奏

皇太后禮服出內宮。中和韶樂作。

陞座樂止。贊引命婦。引

皇后詣正中拜位。行六肅三跪三拜禮。興。少退立。尚食進

席於

皇太后前。

皇太后舉酒。嘗食。贊引命婦。引

皇后復行二肅一跪一拜禮。興。引詣醴位。坐。尚食進席於

皇后前。

皇后舉酒。嘗食。畢。興。內監侍。徹贊引。引詣拜位。行禮。如初。

少退。西向立。

皇太后降座。作樂。還宮。贊引引

皇后出。乘輿。還中宮。執事命婦皆退。

右朝見

越日

皇帝率羣臣詣

皇太后宮行禮。乃

御太和殿。王公百官上表稱賀。

頒詔宣示天下。直省文武官各進表箋稱賀。

皇后詣

皇太后宮行禮。詣

皇帝前行禮。公主福晉命婦詣

皇后宮行禮。均如

冊后之儀。午刻樂部和聲署陳樂懸於

太和殿常次。尚膳供

御膳羞。光祿寺備燕席。

皇帝御太和殿。

賜后父及其族屬燕。王公百官咸與。后父布席於

殿內。王公之末。其族屬按翼於本旗序品列坐。

駕陞寶座時。王公以下陪位如常。后父率其族屬詣丹墀

東北面行三跪九叩禮。畢均引入班就位。坐陳席。奏

樂行酒如

太和殿筵燕儀。

皇太后御慈寧宮。

賜后母及其親屬燕。公主福晉夫人。大臣命婦。咸與。內監

陳樂懸。內務府官供饌具。后母布席於夫人之末。其

親屬按品布席於命婦之位。

皇太后陞寶座時。公主以下陪位。后母率其親屬詣丹墀東

北面行六肅三跪三拜禮。畢。均引就位。坐。陳席奏樂

行酒如

慈寧宮筵燕儀。

右禮成慶賀筵燕

皇子昏禮。內務府豫劄欽天監。取吉時吉日。並列人

命婦中偕老者。奏樂行畢。得

旨。以告於福晉。家屬期贊禮。大臣皆朝賀。父尊袍結佩。

乾清門東階下。福晉父北面跪。贊禮大臣皆朝賀。父尊袍結佩。

旨。今以某氏女作配。與皇子某。為婚。其禮如左。

日。行三跪九叩禮。與

右指音

本節與賚錢

源寧宮設燕籍

大清通禮卷之二十三

嘉禮

皇子昏禮。內務府豫劄欽天監。諏指昏吉日。並列大臣

命婦中偕老者。奏襄昏事。既得

旨。以告於福晉家。屆期。贊禮大臣偕福晉父。蟒袍補服。詣

乾清門東階下。福晉父北面跪贊事。大臣西面。稱有

旨。今以某氏女作配。與皇子某為福晉。福晉父承

旨。訖。行三跪九叩禮。興退。

右指昏

九清通福
廼詠吉納幣。內務府備黃金項環一。釵六。珥六。均以珠飾釧四。黃金衣鈕百。白金衣鈕二百。黑貂皮三。貂皮百有四十。狐皮二百有五十。黑獺皮七。采幣。表裏各百。棉三百斤。

賜福晉父母黃金十兩。白金七百兩。貂冠。狐裘。佩帶。刀。鞍。韉。襪。具。馬二匹。鞍轡。具。屆日。內務府官以采亭載諸禮物。如福晉家。福晉父朝服。迎於大門外。內務府官入。陳幣於堂。陳馬於庭。陳

賜物於階上。以納幣告。福晉父祇受。訖。率其子弟序立庭東。福晉母率諸婦出。序立庭西。望

闕。行三跪九叩禮。內務府官退。福晉父送於大門。如初迎禮。

右納幣

是日。所司備伶樂一部。燕席五十。羊三十。有六。詣福晉家。設內外筵燕。外燕於廳事。東西布席相向。北上。福晉親族職官。及不入直之公。侯。伯。內大臣。侍衛。一二品官。朝服畢會。午刻。鴻臚寺官引入。升堂。福晉親族。及本旗大臣。侍衛。東位。西面。各旗公侯伯等官。西

位東面就席。一叩序坐。司茶奉茶。眾受茶飲茶。皆一叩。司筵奉果食。酌酒。伶工入奏。眾獻酬。樂闋。興出。司筵徹果食。眾易蟒袍補服。仍入就位。司筵奉饌。酌酒。奏樂。獻酬交錯如初。樂闋。興。鴻臚寺官引眾官詣堂下望。

闕北面序列聽贊。行三跪九叩禮。興退。內燕於中堂。福晉親屬諸婦。及一二品命婦咸會。內務府管領妻量人給事行酒。如外堂燕儀。

右納幣燕會

及昏前一日。福晉家豫以粧奩送

皇子宮鋪陳。屆日質明。

皇子蟒袍補服。詣

皇太后

皇帝

皇后前行禮。若

妃嬪所出。並於

妃嬪前行禮。各如儀。內務府選隨從女官八人。豫詣福

晉家閣前祇候。贊事命婦豫詣

皇子宮內別室祇候自

宮門至於福晉家。步軍統領飭屬灑掃清道。鑾儀衛備儀仗采輿。內務府總管一人。官屬二十人。蟒袍補服。護軍四十人。偕如福晉家奉迎。及大門。主人揖入。如納幣禮。升輿吉時。屆內鑾儀校奉采輿陳於中堂。福晉禮服出閣。隨從女官翊升輿。母送於閣門外。姊妹戚屬送於輿前。俟下簾退。父率子弟送於門。俟過退。內校昇采輿行。鐙八。炬十。前導。女官隨從。出大門。乘馬。前列儀仗。內務府總管率屬及護軍。前後導護。

行至

紫禁城門外。衆下馬步入。及儀仗止於宮外。女官隨采輿入。至

皇子宮前。降輿。女官恭導福晉出輿。引入宮合盃。吉時屆。贊事命婦上合盃酒。設燕。

皇子與福晉行合盃禮。執事者皆退。是日於皇子宮近處。張幕結采。燕福晉父母。戚屬羣官。如納幣之儀。

右奉迎合盃

昏禮既成翼日。

皇子及福晉夙興朝服。內務府管領妻二人導詣

皇太后

皇帝

皇后前行朝見禮。

皇子三跪九叩。福晉六肅三跪三叩。次詣所出

妃嬪前行禮。

皇子二跪六叩。福晉四肅二跪二叩。各如儀退。

右朝見

公主下嫁之禮。內務府豫劄欽天監。諏指昏吉日。並列大臣命婦中偕老者。奏曩昏事。既得

旨。禮部以告於額駙家。屆期。贊事大臣偕額駙蟒袍補服。詣

乾清門東階下。額駙北面跪。贊事大臣西面稱有

旨。今以某公主擇配某人。額駙祇受

命。行三跪九叩禮。興退。

右指昏

初定諏日。額駙家備駝一馬。八羊。八十有一酒。九十

尊屆期詣

午門前恭進得

旨分納所司。是日光祿寺官備筵燕。武備院官張黃幔於中和殿北階下。內務府官陳金器反坫。禮部理藩院尚書侍郎。內務府總管光祿寺卿。同禮布席設

御筵於

保和殿

寶座前正中

殿內東西布席各五行。前引大臣一行。內外親王世子。

固倫額駙二行。郡主貝勒貝子公和碩額駙三行。內大臣一等台吉四行。都統副都統二等台吉五行。相向。北上。

寶座後東西為豹尾班侍衛席。又西為記注官席。均南向。殿門外檐下。東為侍衛席。西為三等台吉席。禮部尚書侍郎席黃幔左。內務府總管席黃幔右。均東西向。樂部陳中和韶樂於

保和殿檐下陳丹陛樂於

中和殿後階均北向。午刻。

欽命入燕之王大臣侍衛及執事各官蟒袍補服畢會
保和殿前按翼序立。理藩院尚書侍郎率額駙父額駙
及其族人朝服詣

慈寧宮門外。鴻臚寺官引至東階下。北面行三跪九叩禮。
畢引詣

保和殿前。入班序立。禮部尚書侍郎赴
乾清門奏時。

皇帝袞衣龍袍乘輿出宮前。引後扈如常儀。
御保和殿。

陞座。鴻臚寺官引額駙父等出班。北面聽贊行三跪九叩
禮。與王公以下就位。額駙父等均引入班就位。跪叩
坐。

賜茶畢。進爵大臣進
皇帝酒。跪叩如

太和殿燕禮。額駙父等出
殿外。北面隨跪叩興。復位。徧爵作樂。升歌。行酒。儀注均
與

太和殿燕禮同燕畢。引額駙父等詣丹陛拜位。行禮如

初。

皇帝還宮。眾退。理藩院尚書侍郎。鴻臚寺官。引額駙父等至。

乾清門西階下序列。行三跪九叩禮。退。是日。內監設中

和韶樂。及丹陛樂於

慈寧宮常次。如儀。尚膳女官設

皇太后筵於

寶座前。南向設

皇后筵於東西南向。又以次設

皇貴妃

貴妃

妃

嬪席於東西。少後僉向。額駙母及其族中諸婦設席於

嬪席之下。少南。西位東面。進爵命婦侍衛命婦設席

於丹陛下東位西面。午刻。

皇后率

妃

嬪詣

慈寧宮

皇太后陞寶座。筵燕。

賜茶。進觴。徧爵。作樂。升歌。行酒。額駙母及諸婦行禮。各如儀。既畢。

皇太后還宮。

皇后

妃

嬪皆還內宮。內監引額駙母及諸婦詣

皇后宮行六肅三跪三叩禮。退。

右初定燕會

下嫁前一日。額駙蟒袍補服。率族人詣

皇太后

皇帝

皇后宮門前行三跪九叩禮。各如儀。內務府官率鑾儀校

以公主粧奩詣額駙邸第。內管領命婦二人偕女侍

隨往鋪陳。至日黎明。額駙家備九九禮物。文馬十有

八。鞍轡具。馱甲十有八。馬二十有一。駝六。羊八十有

一。酒九十尊。詣

大清通志 卷二十三 九
午門恭納。午刻筵燕於

保和殿。

慈寧宮。如初定禮。是日。所司豫奏請王福晉貝勒貝子夫
人中結髮偕老者。

欽命陪送。內務府大臣命婦二人。內管領命婦十人。充導
從。皆盛服。於宫外別室祇候。贊事命婦豫諭額駙邸
別室祇候。自公主所出宮門。至額駙邸。步軍統領。飭
屬灑掃清道。鑾儀衛備儀仗。采輿。內務府總管一人。
司馬四人。內管領二人。護軍參領一人。護軍校二人。
蟒袍補服。偕護軍二十人。於所出宮門前祇候。升輿
吉時屆。公主吉服。詣

皇太后

皇帝

皇后前行禮。若

妃嬪所出。並於

妃嬪前行禮。各如儀。畢。命婦翊升輿。下簾。內校昇輿。行
出宮。儀仗前列。燈八。炬十。前導。陪送福晉夫人。及隨
從。命婦乘輿隨行。內務府總管。內管領乘騎稍遠導

從。參領及護軍乘騎護行。詣額駙邸第及門。眾下馬。步入儀仗止。及儀門各官止。輿入。至廳事正中。降輿。命婦階下降輿。升堂。導公主出輿。福晉夫人降輿。隨公主入室。額駙乃禮賓於外堂。額駙母禮女賓於中堂。徧饗諸執事者。各如禮。合盃吉時屆。贊事命婦上合盃酒。設燕。額駙與公主行合盃禮。眾退。

右于歸合盃

下嫁禮成。翼日行朝

謝禮。公主額駙夙興朝服。公主詣

皇太后

皇帝

皇后及所出

妃嬪前行禮。額駙詣

慈寧門外東階下。

乾清門外。

內右門外。行禮。各如儀。畢。還邸第。

右朝謝

親王昏禮。為未分家之子娶。同。將及冠。訪朝臣女。或外藩主女。

年齒相當者奏

聞請

旨。

命下。以次行禮。如奉

旨賜昏者是日王朝服詣

太和殿前謝

恩。如儀。初定。王府備酒五十席。酒五十尊。若聘外藩女。用

鞍馬甲冑白金器七九。牲五九。使官屬之長齋。如女

家昏家禮。請親王以下輔國公以上。公主福晉以下。

郡君貝子夫人以上。禮部轉傳公侯伯以下。侍郎男

以上。畢會燕。男布席於外堂。女布席於內堂。獻酬行

酒。如

皇子初定燕儀。

右定昏

次行納幣禮。王府備黃金項飾一。金珥一具。金釵大

小各三。指環十。均綴以珍珠采繒衣裳九襲。衾褥七

具。黃金二十兩。白金千兩。給女父母朝衣一。冠帶鞋

具。采衣裳各一。金珥一具。鞍馬二。若聘外藩親王女。

用鞍馬十有二。甲冑十有二。閑甲二十有四。繪六十。布六百。白金器三具。聘郡王貝勒台吉女。白金器同。鞍馬甲冑各減二。閑甲減四。繪減十。布減百。餘物與上同。王府官公服。齎詣福晉家。主人公服迎入。使者陳禮物於堂。有馬則陳於庭。以納幣告。主人拜受。使左右徹之。送使者如禮。

右納幣

昏前一日。女家豫以粧奩送王府鋪陳。至日。王禮服。俟於次。使其長史率官屬備儀仗禮輿。如福晉家迎。

升輿吉時。屆納禮輿於中堂。福晉禮服出閣。送女者。翊升輿。母送於閣門外。姑姊妹戚屬送於輿前。父送於外堂。子弟送於門外。鐙炬前輿。送女者升車。從詣王府。由中門入。及堂前。降輿。王出次。俟於堂。送女者導福晉出輿。王揖先入。福晉從入室。行合巹禮。其日王府設燕。席六十。酒六十尊。聘外藩女。用牲五九。親王以下。侍郎男以上。公主福晉以下。郡君貝子夫人以上。咸會如定昏燕禮。饋贈外藩王。貝勒台吉及福晉夫人等。送女來者。冬夏衣各一襲。貂裘一。帶一。弓

一。韃。矢。一。服。甲。冑。各。一。鞍。馬。二。采。繪。三十。布。二百。白。金。器。三。具。女。之。兄。弟。時。衣。一。襲。給。隨。從。男。婦。三十。人。衣服。有。差。

右成昏

若奉

旨。賜。昏。者。成。昏。之。明。日。王。及。福。晉。夙。興。朝。服。詣。

大內謝

恩。行。禮。如。

皇子昏儀

右謝恩

世子。郡。王。昏。禮。納。幣。用。指。環。八。采。繪。衣。裳。八。襲。衾。褥。六。具。黃。金。十。兩。白。金。七。百。兩。初。燕。席。四。十。酒。四。十。尊。昏。燕。席。五。十。酒。五。十。尊。餘。物。準。親。王。若。聘。外。藩。親。王。女。鞍。馬。甲。冑。繪。帛。白。金。器。如。親。王。聘。外。藩。郡。王。女。之。數。昏。禮。既。成。饋。贈。外。藩。親。王。郡。王。及。福。晉。送。女。來。者。並。女。之。兄。弟。及。隨。從。男。婦。衣。物。均。準。親。王。外。藩。貝。勒。台。吉。及。夫。人。送。女。來。者。給。采。繪。二十。有。五。布。百。有。五。十。白。金。器。二。具。餘。準。親。王。給。隨。從。男。婦。二十。有。五。人。

衣服有差。凡昏儀與親王同。

右世子郡王昏

長子。貝勒昏禮。納幣。用指環六。采繒衣裳七襲。衾褥五具。黃金五兩。白金五百兩。給女父母繒衣。不綴采。鞍馬一。閑馬一。餘物視郡王。初燕。席三十。酒三十尊。昏燕。席四十。酒四十尊。郡王以下。尚書子爵以上。郡主郡王。若聘外藩女。定昏。用鞍馬甲冑繒布。白金器五。九筵燕。用牲三。九納幣。用鞍馬八。甲冑各八。閑甲十。

有六。繒四十。布四百。白金器二具。昏燕。用牲五。九昏禮既成。饋贈外藩親王。郡王。及福晉。送女來者。並女之兄弟。及隨從男婦衣服。均準郡王。貝勒。合吉。夫人。送女來者。給采繒繒合二十有五。布百有五十。白金器二具。餘準郡王。隨從男婦二十人。給衣服有差。凡昏儀。與郡王同。

右長子貝勒昏

貝子昏禮。納幣。用指環四。釵大小各二。衣裳六襲。不綴金珠。衾褥四具。白金四百兩。給女父母。視貝勒減。

大清通志 卷二十三 五
閑馬一。餘衣物數同。初燕昏燕席酒各減十。貝勒以下公以上。暨本旗官屬。郡君貝勒夫人以下。縣君輔國公夫人以上。咸會燕。儀同貝勒。若聘外藩女。定昏鞍馬。甲冑。繪布。白金器。三九。筵燕。用牲二九。納幣。鞍馬六。甲冑各六。閑甲十有二。繪三十。布三百。白金器二具。昏燕。用牲三九。饋贈親王。郡王及福晉。送女來者。女之兄弟及隨從男婦衣物。均準貝勒。貝勒台吉夫人。送女來者。給采繪。繪合十有五。布七十。白金器一具。餘準貝勒。隨從男婦十有五。人。給衣服有差。凡昏儀。與貝勒同。

右貝子昏

宗室公昏禮。鎮國公納幣。用衣裳五襲。白金三百。初燕十有八席。昏燕二十有八席。酒如席數。貝子以下。奉國將軍以上。貝子夫人以下。奉國將軍淑人以上。及本府官屬會燕。餘並同貝子。若聘外藩女。定昏鞍馬。甲冑。繪布。白金器二九。筵燕。用牲數如之。納幣。鞍馬五。甲冑各五。閑甲十。繪二十有五。布二百五十。白金器二具。昏燕。用牲三九。饋贈送女來者衣物。準貝

子輔國公納幣衣裳減一襲衾褥減一具無白金初燕昏燕席各減二酒如之貝子貝子夫人不會燕餘儀物與鎮國公同若聘外藩女定昏行一九禮初燕用牲二九納幣甲冑各減一閑甲減二繪減五布減五十白金器二具昏燕用牲三九饋贈送女來者衣物準鎮國公凡昏儀均與貝子同

右宗室公昏

宗室將軍昏禮鎮國將軍納幣用衣裳繪三襲衾一襲衾褥繪二具布一具金項飾一釵二珥二初燕用

牲六昏燕席十有五餘儀與輔國公同輔國將軍納幣衣裳衾褥各減繪一初燕減牲一昏燕減五席奉國將軍納幣禮物如輔國初燕復減一牲昏燕減二席餘如鎮國將軍之禮儀同

右宗室將軍昏

閑散宗室昏禮納幣數如奉國將軍減金釵二初燕牲二昏燕六席閑散覺羅昏燕五席餘同宗室昏儀均與奉國將軍同

右閑散宗室覺羅昏

大清通志 卷二十三
郡主于歸之禮將及筭訪外藩蒙古王子年齒相當者奏

聞請

旨。

命下。以次行禮。若奉

旨賜昏者。額駙先詣

乾清門謝。

恩如公主指昏之儀。初定。額駙家備燕五十席。酒五十尊。若外藩王。貝勒。台吉等尚郡主。用駝馬羊。七九牲。五

九。遣人納於王府。王受之。其日會燕。如納福晉初定燕儀。

右定昏

次行納幣禮。額駙家備鞍馬七。甲冑七。若外藩王等之子。用馬六十。牛六十。羊六百。遣人齎詣以獻於王。王納之。如定昏禮。

右納幣

昏前一日王使人以粧奩。張陳額駙室。至日。額駙朝服。祇候邸第。王使其官屬備儀仗禮輿。送郡主于歸。

升輿吉時。屆郡主禮服。侍女引出閣。詣王前辭。次詣福晉前辭。均行四肅。二跪。二叩禮。執事官進輿於中堂。侍者引郡主升輿。王府護衛官前導。燈炬前輿。侍婢八人。男婦五戶。媵如額駙邸第。額駙出迎於門外。輿至。導入。至內堂。降輿。媵導郡主出輿。額駙偕入室。行合巹禮。其日額駙第設昏燕。如親王納福晉之儀。

右成昏

若奉

昏賜昏者。成昏之明日。額駙偕郡主夙興。朝服詣

大內謝

恩行禮。如親王納福晉儀。

右謝恩

縣主于歸之禮。納幣。視郡主鞍馬。甲冑各減一。初燕。昏燕。儀準郡王。若嫁於外藩王。員勒台吉等。納幣。視郡主。馬減十。牛減十。羊減百。媵婢七人。男婦四戶。餘同。

右縣主出嫁

郡君子歸之禮。納幣。鞍馬四。甲冑四。初燕。昏燕。準貝

勒若嫁於外藩定昏行七九禮初燕用牲三九納幣
 馬四十牛四十羊四百昏燕用牲五九媵婢六人男
 婦四戶縣君納幣鞍馬甲冑各三初燕昏燕準貝子
 若嫁於外藩定昏行七九禮初燕用牲二九納幣馬
 三十牛三十羊三百昏燕用牲三九媵婢五人男婦
 三戶鄉君納幣鞍馬甲冑各二初燕昏燕準宗室公
 若嫁於外藩定昏行七九禮納幣馬二十有五羊如
 之羊二百五十初燕昏燕用牲如縣君媵鎮國公女
 婢四人輔國公女婢三人男婦皆二戶凡昏儀均與

郡主同

右郡君縣君鄉君出嫁

官員

七品以上自昏及為子孫立昏豫訪門第清白女

齒相當者使謀氏往通言笑諱男年十六以上女年

十四以上身及主昏者無期以上服皆可行

右議昏

納采諏日主人具書書辭隨宜請女為誰氏出並所

生年月日別具昏者生年月日附於書使媒氏

女家屆日夙興以子弟一人為介公服侍於廳事

本縣保親昏嫁出教

縣主同

大清通禮卷之二十四

嘉禮

官員七品以上自昏及為子孫主昏豫訪門第清白女年

齒相當者使謀氏往通言俟詐男年十六以上女年

十四以上身及主昏者無期以上服皆可行下。士庶人同。

右議昏

納采。諏日。主人具書書辭隨宜。後做此。請女為誰氏出並同

生年月日。別具昏者生年月日。附於書。使媒氏豫告

女家。屆日夙興。以子弟一人為介。公服待於廳事主

人公服奉書出。西面授介。再拜介避拜。受書出。如女家。其日。女氏主人。設案於廟。灑掃廳事。待賓。亦使子弟一人為擯。公服以俟。賓至。擯告。主人如賓服。出迎於門外。揖入。升堂。賓左。主人右。入堂。少深。賓東面。奉書致詞。從者陳禮物於庭。主人北面再拜。受書。賓避拜。請退。俟命。擯揖賓。欵於別室。主人以書入。詣廟陳於案上。啟讀。告事如常。告儀。乃具復書。具女所出及生年月日。附於書。擯延賓升堂。主人奉書出。西面授賓。再拜。賓受書。避拜。授從者。請退。主人請醴賓。賓禮辭。詐饌者。布席中堂。賓東。主西。揖讓就坐。進饌。行酒。三巡。賓興。離席告退。揖。主人答揖。送賓於門外。如初。介還復命。主人納書。如授書儀。醴介以家人之禮。

右納采

納幣。詎日。具書。備禮物。一品。章服一稱。章如其品。幣

表裏各七兩。以製衣服。繪帛七兩。以製衿襖。布七兩。容飾合二

十事。以釧簪珥之屬。二品至四品。幣表裏各五兩。繪帛五兩

布五兩。容飾合十有六事。餘同一品。五品至七品。幣

表裏各三兩。繪帛三兩。容飾合十有二事。餘同四品。

媒氏豫告女家。屆日夙興。主人遣使奉書及禮物。如女家。女氏主人受書及禮物。告廟。具復書。授賓醴。賓還復命。主人禮介。並同納采。

右納幣

昏期。諏吉。具書。備禮物。三品以上。羊酒。四品以下。鷄酒。豫日。主人遣使如女家。女氏主人迎賓入。賓致詞請期。主人辭遜。賓乃奉書告期。主人拜受。具復書。授賓。賓還。復於主人。皆如納幣儀。

右請期

昏期前一日。女家使人奉箕帚於婿室。陳金釵。茵褥。器用具。至日。婿家筵於室中。位東西向。別設案於牖下。陳壺一。琖四。合香。剖匏為二。合四琖。以備三酌之用。設醮爵於堂下之東。壺。琖。具。初昏。婿公服。俟於堂下。有官者各以其服。若其子孫則攝盛。三品以上。攝五品服。五品以上。攝七品服。六品以下。攝八品服。儀從亦如之。婿馬一乘。二燭。前馬。婦輿一乘。或車。隨宜。檐蓋飾采緝。垂流蘇。五品以上。前後左右各二。六品以下。前二。後二。均俟於門外。主人公服。出醮。子。若自主昏。則以有服尊長醮。後仿此。位於堂

東西面。昏者升自西階再拜執事者升授爵。昏者跪受。卒爵。反於執事者。父命之迎。應唯。俯伏。與降。出乘馬。執事者隨以雁。儀從在前。婦與在後。如女家。其日女父告於廟。詞曰。某之第幾女某。將以今日歸某氏。敢告餘如常告儀。還醮女於內堂。父東。母西。姆相女具服加飾。服視婿之等。出至父母前。北面再拜。侍者斟酒醴女。如父醮子儀。父訓女以宜家之道。母爲之整冠裾。申以父命。女識之。不唯。婿既至。主人迎於門外。揖讓入。婿執雁從入。至廳事。主人東階上。西面婿西階上。北面立。奠雁再拜。三人不答拜。姆爲女加景蓋首。出婿揖降。女從。主人不降送。姆導女升輿。二嬭前輿。婿乘馬先俟於門。婦至。降輿。婿導升西階入室。踰闕。媵婦家送者布婿席於東。御婿家迎者布婦席於西。婿婦交拜。訖。姆脫婦景。媵御設匕箸。醢醬婿揖婦就筵坐。饌入。卒食。媵取琖實酒。醢婿御取琖實酒。醢婦三酌。用盃卒醢。婿出。媵御施衾枕。婿入。燭出。

右親迎

厥明。婦夙興。盥漱櫛總。以棗栗服。修詣舅姑室。姆入。

設席於堂中。為位。舅東。姑西。均南向。舅姑即席。婦執筭實棗栗。升自西階。北面拜。奠於席。舅坐。撫之。婦與降階。執筭實。股修升。拜。奠席。姑坐。撫之。舅姑與。入於室。

右婦見舅姑

婦具酒饌。設七箸醯醬。行盥饋禮。舅姑就坐。婦奉饌入。獻舅姑。視卒食。乃酌酒。酌舅姑。送酒。皆再拜。舅姑卒飲。興。乃共饗婦。侍者布婦席於阼階上。西向。具酒饌。設七箸醯醢。舅姑於堂中臨之。婦卒食。姑酌之。婦拜受。卒飲。舅姑先降自西階。婦降自阼階。退。饗婦送者。男於外。女於內。酬以布帛。

右婦盥饋舅姑饗婦

三日。婦見於廟。厥明。執事者設饌具。主人啟櫝。陳主如常祭禮。主人布席階下之東。昏者在後。主婦布席階下之西。婦在後。各就位。再拜。主人升。上香。獻酒。讀告詞曰。某之第幾子某。今已昏畢。率新婦見。餘辭如祭式。俯伏。興。退。立於東。婦進。當中階下。北面再拜。興。復位。主人復位。及主婦以下。行再拜禮。畢。納主。徹。退。

若同居有尊者婦見如見舅姑禮見夫之伯叔母與
見姑同答以肅拜見娣姒小姑以夫之齒序拜皆答
拜夫兄弟之子若女婦受拜答以肅揖。

右廟見

廟見之明日昏者以贄視分所應用往見婦之父母主人

迎於門外揖讓入升堂奠贄皆北面再拜主人西面
答拜請見主婦主婦立於門內婿立於門外再拜主
婦門內答拜出主人禮以一獻之禮。

右皆見婦父母

士昏禮八品以下官同納采。詎日。具書。媒氏告於女家。主人

使子弟一人為介。奉書如女氏。女氏主人出迎。賓揖
讓入門。升堂。賓東面。致詞奉書。主人西面受書。再拜。
賓避拜。請退。俟命。主人使子弟待賓。以書入。告於寢
如儀。具復書。出授賓。賓受書。主人布席禮賓。畢。賓揖
辭。主人送之。如初。介還復命。主人拜受書。禮介。行家
人禮。詎日。納幣。具書。備禮物。章服一稱。八品以下官如其品。士視
九品。布帛合五兩。容飾八事。食品六器。媒氏告於女家。
主人遣使奉書。物行禮。女家受禮。告寢。復書。禮賓。賓

復主人均如納采昏有日主人備鷺酒書昏期於東使媒氏奉如女家告女氏主人報東授媒氏復昏前一日女家使人以奩具張陳婿室至日婿家筵於室中位東西面別以案陳合昏器設醮爵於堂東初昏婿攝公服埃於堂下婿馬一乘二燭前馬婦輿一乘齋蓋前飾采絹二埃於門外主人盛服醮子於堂東命之迎婿出乘馬如女家雁及婦輿從其日女氏主人告於寢如儀婿主人位內堂東主婦位內堂西父醮女如婿儀婿至女家門外主人出迎婿執醮從人

主人東階上西面婿西階上北面奠雁再拜主人不答拜姆加女景蓋首出婿揖之降主人不降送姆導女升輿女家亦以二燭前輿婿乘馬先俟於門婦至降輿婿導婦入室踰闕設布婿席於東御布婦席於西婿婦交拜訖姆脫婦景婿揖婦即席婿東婦西坐行合昏禮厥明婦夙輿俟見舅位堂東姑位堂西皆南向婦以贄見於舅姑再拜舅姑受贄婦具酒饌行盥饋禮舅姑就位婦奉饌舅姑卒食一醕婦再拜送酒舅姑卒飲共饗婦於胙階及饗婦送者均與官員

禮同三日。婦見祖禰於寢。陳設如薦儀。主人在東。昏者從。主婦在西。婦從。叅神。再拜。主人升。詣香案前。上香。奠酒。告畢。俯伏。興。退立於東。婦進當中闈。再拜。與復位。主人復位。及主婦以下。皆再拜。興。禮畢。退。見祖禰之明日。婿以贊見婦之父母。迎入奠贊。再拜。主人答拜。見主婦。婿拜於寢門外。主婦答拜於門內。出。主人醴婿。皆如儀。

右士昏

庶人昏禮。納采。諏日。書昏者。生年月日。以授媒氏。奉如女家。女氏主人受書。告於寢。書女爲誰氏。出及生年月日。授媒氏。道遠具饌。近則否。媒氏復命。主人禮之。納幣。備禮物。服一稱。用帛。無章。布五兩。容飾六事。或四事。食品四器。媒氏奉如女家。女氏主人受之。饗媒氏。復命。如納采禮。昏有期。備鷺。書昏期於東。使媒氏奉如女家。告女氏主人許。使媒氏復。昏前一日。女家使人以奩具陳於婿室。至日。婿家筵於室中。東西爲位。別以案陳合巹器。設醮爵於廳事東序。初昏。婿盛服。俟於階下。婿馬一乘。二燭前馬。婦輿一乘。檐蓋。

無飾。俟於門外。主人盛服。至廳事。東位。西面。婿升。主人醮之。命之迎。婿再拜出。乘馬如女家。雁及婦輿從。其日。女家告於寢。醮女。以俟。婿既至。主人出迎於門外。導入。婿執雁從入。升堂。主人東階上。婿西階上。北面。奠雁再拜。姆加女景蓋首出。婿揖之降。婦從降。姆入室。踰闕。布席。婿婦交拜。訖。姆脫婦景。婿揖婦就位。坐。婿東。婦西。行合卺禮。婦夙興。盛服。以贊。見舅姑於堂。拜獻如禮。饋酒食於舅姑。舅姑饗婦。及婦送者。三。日。婦見祖禰於寢。如常薦禮。明日。婿往見婦之父母。婦父設酒食禮婿。如儀。

右庶人昏

冊之
皇后之禮。
制方設言以
冊。有諸司供備。表其禮部工部官會製
冊費於內務府。恭送內閣鑄
冊文。

古照人得

敬父道國食豐歌歌

大清通禮卷之二十五

嘉禮

册立

皇后之禮。

制下。禮部尚書一人。赴內閣承

制。乃詠吉以

聞。徧布諸司供備。豫期禮部工部官會製

册寶於內務府。恭送內閣鑄

册文。

寶文內閣大學士。學士。禮部工部尚書侍郎朝服行禮。如

儀。詳尊崇禮。

右誼日具冊寶

屆期禮部奏請

命大學士充

冊立使。尚書充副使

右命使

前一日遣官各一人祇告

天。

地。

太廟後殿。

奉先殿。如常儀。

右祇告

至日五鼓所司詣

太和殿中設一案。東西肆。左右各設一案。均南北肆。設

龍亭二。於內閣門外。變儀衛陳

法駕鹵簿。仗馬。步輦。五輅。馴象。鼓吹。常朝象。樂部和聲署

陳樂懸。各依常次。王公文武百官記注。糾儀執事各

官朝服陪位如常儀。漏未盡工部官以

節送內閣。內閣禮部官自內閣奉

金冊。

金寶及宣讀

冊文。

寶文各陳於亭內。禮部侍郎奉

節。鑾儀校昇亭。禮部官十人前引導以繖仗。由中路降升。

至。

太和殿階下。亭止。導引官皆止。內閣禮部官奉

金冊。

金寶隨

節升中階入

殿中門。陳

節中案。陳

冊左案。陳

寶右案。退。鑾儀校迴亭南向。質明。冊使副使祇俟於丹墀

東鹵簿之南。大學士一人立殿東檐下西面。宣制鴻

臚寺官一人立大學士後。舉冊寶案內閣禮部官分

立東西檐下。東西面。均朝服。欽天監官報吉時已屆。禮部尚書侍郎詣

乾清門奏時。遂前導

駕。

皇帝禮服乘輿出宮。前引後扈。如常儀。

午門鳴鐘鼓。至

太和殿後階降輿入。工舉麾。鼓祝。中和韶樂備。奏隆平

之章。樂辭見常朝儀。後仿此。

皇帝陞座。工偃麾。戛鼓樂止。中和韶樂以舉麾。鼓祝。作偃麾。戛鼓。止後同。鑾儀

衛官贊鳴鞭。丹墀內三鳴鞭。戲竹交。丹陛樂作。以戲竹交為節。

丹陛大樂作。奏慶平之章。鴻臚寺鳴贊。官贊齊班。序

班引正副使就。丹墀東班拜位立。北面西上。贊進。少

進贊跪叩。興行三跪九叩禮。興樂止。序班引正副使

升東階。至丹陛。北面立。鳴贊官贊有

制。正副使跪。宣制官進至

殿中門之左。宣

制曰。某年月日。册立某妃某氏為皇后。命卿等持節行禮。

如奉

皇太后懿旨。則日欽奉。宣畢大學士進。

殿左門詣中案奉

節。由中門闌左出至丹陛。以

節授正使。正使受

節。偕副使與內閣禮部官進

殿左右門舉

冊寶案。出中門。正使持

節前行。副使從。以次降中階。內閣禮部官奉

冊寶。設龍亭內。鑾儀校舁行。導引如初。由

太和門出。

皇帝賜王公大臣茶。如常儀。畢。

皇帝降座。鳴鞭如初。中和韶樂作。奏顯平之章。

皇帝還宮。樂止。王公百官咸退。

右臨軒遣使

是日內鑾儀衛陳

儀駕鹵簿於

皇子宫階下。及宮門外。詳見三大節儀內監設丹陛樂於

宮門內。設節案一。於

宮內正中。南為香案。均東西肆。設冊寶案於東西各一。均南北肆。設

皇后拜位於香案前。北向。女官四人。立拜位左右。東西面。宣讀女官二人。立東案之南。西面。宮殿監率內鑾儀

校。豫候於

景運門。冊使既受

命出。由

協和門。至

景運門外。西面立。正使奉

節授內監。內監持

節。內鑾儀校接昇

冊寶亭。至

皇后宮門外。亭止。內監奉

冊寶詣

皇后宮。

皇后具禮服。出內宮。丹陛樂作。贊引女官二人引

皇后迎於宮門內道右。候過。隨行入宮。內監奉

節。陳於中案。奉

金冊。

冊文。

金寶。

贊文。

皇后。

冊宣。

冊文。

冊女官。

冊女官。

冊奉。

皇后。

寶受。

寶亦。

皇后。

中案。

節出。

贊引。

皇后。

送於。

宮門。

內道。

右候。

過還。

金冊。

冊文。

金寶。

贊文。

皇后。

冊宣。

冊文。

冊女官。

冊女官。

冊奉。

皇后。

寶受。

寶亦。

皇后。

中案。

節出。

贊引。

皇后。

送於。

宮門。

內道。

右候。

過還。

金冊。

冊文。

金寶。

贊文。

皇后。

冊宣。

冊文。

冊女官。

冊女官。

冊奉。

皇后。

寶受。

寶亦。

皇后。

中案。

節出。

贊引。

皇后。

送於。

宮門。

內道。

右候。

過還。

金冊。

冊文。

金寶。

贊文。

皇后。

冊宣。

冊文。

冊女官。

冊女官。

冊奉。

皇后。

寶受。

寶亦。

皇后。

中案。

節出。

贊引。

皇后。

送於。

宮門。

內道。

右候。

過還。

節至

景運門授冊使正使持

節副使從詣

後左門復

命。

冊立禮成還

節有司各退。

右受冊

翼日。

皇帝率羣臣詣

皇太后宮行禮乃

御太和殿受賀如三大節之儀。

頒詔宣示天下。

頒詔儀詳

皇后詣

皇太后宮行禮詣

皇帝前行禮。

妃。

嬪公主福晉命婦詣

大清通禮 卷二十六
皇后宮行禮均如三大節儀。

右禮成朝賀

大清通禮卷之二十六

嘉禮

冊封

皇貴妃之禮。

命下禮部諏吉以

聞。乃編布諸司供備。豫期工部製

冊。禮部製

寶。均以金送內閣鐫字。行禮如儀。

右諏日具冊寶

屆期禮部奏請

命大學士尚書一人充

冊封使侍郎內閣學士二人充副使

右命使

先一日遣官各一人祇告

太廟後殿

奉先殿如常儀

右祇告

至日五鼓禮部鴻臚寺官設節案冊寶案於

太和殿內鑾儀衛官設采亭於內閣門外內閣禮部官

奉

節

冊寶出陳於亭內鑾儀校昇行導以繖仗禮部官前引詣

太和殿及階亭止奉

冊寶隨

節以升設於

殿內各案質明大學士一人朝服立節案之東封使朝服立丹墀之東均西面欽天監官報吉時已屆正使

大清通志 卷一百一十九
由東階升。副使從。至丹陛左。北面跪。大學士詣案奉節。由

殿中門出。授正使。正使受

節。偕副使與所司舉

冊寶案從。降中階。仍設亭內。導引如初。以次詣

皇貴妃宮。

右遣使發冊

是日。內鑾儀衛設

皇貴妃儀仗於本宮門外。明黃曲蓋一。拂二。鑪盒盆盂

各一。餅二。皆黃金質。几。倚各一。節二。明黃色。紅色。黑色。花

繖六。紅黑二色。瑞草繖四。雉羽扇四。金黃。紅。黑。三色

素扇。鳳旗。紅。黑。二色。素旗。各二。臥瓜。立瓜。吾仗。各四

明黃色翟輿一。輿一。車一。凡擎執輿尉。皆內鑾儀校

充。內監設節案香案於宮內正中。東西肆設冊寶案。

於東西。均南北肆。封使既受

命。由

協和門至

景運門外。正使西面。授

節內監內監奉

節昇

冊寶亭至宮門奉

冊寶隨

節詣

皇貴妃宮

皇貴妃禮服出迎於宮門內道右立候過內監奉

節

冊寶陳於各案退

皇貴妃就拜位北面跪女官宣讀

冊文

寶文

皇貴妃恭受

冊寶行六肅三跪三拜禮畢送

節於宮門內道右均如

皇后受冊之儀內監持

節至

景運門授正使正使持

節副使從詣

後左門復

命

冊封禮成還

節有司各退

右受冊

翼日

皇貴妃詣

皇太后宮行六肅三跪三拜禮乃詣

皇帝前行禮

皇后前行禮並如儀

右禮成朝見

冊封

貴妃之禮

命下所司供備製

冊寶既諏吉奏詣

命使遣官祇告

太廟後殿

奉先殿。至日遣使發

冊並如

冊封

皇貴妃之儀。是日內鑾儀衛設

貴妃儀仗於本宮門外。金黃曲蓋一。拂二。鑪盒。盆。盃。各

一。餅二。皆黃金質。几。倚各一。節二。金黃。紅。黑。三色花繖六。

紅。黑。二色瑞草繖四。雉羽扇四。鳳旗四。臥瓜。立瓜。吾

仗各二。金黃色翟輿一。輿一。車一。几。擎執輿尉皆內

鑾儀校充。餘宮內陳設宣

冊寶受

冊寶及朝見儀注與

皇貴妃禮同

右冊封貴妃

冊妃之禮

命下備

冊印奏請

命使祇告

太廟後殿

大清通禮

卷二十六

奉先殿。至日遣使發

冊儀與

冊封

貴妃同。是日內鑾儀衛設

妃采仗於本宮門外。金黃曲蓋一。拂二。鑪。盒。盆。手。各一。

餅二。皆白金質。几。倚各一。節二。金黃色素繖二。紅黑二色。

花繖四。素扇四。鳳旗四。臥瓜。立瓜。吾仗各二。金黃色

翟輿一。輿一。車一。凡擎執輿尉皆內鑾儀校充。餘官

內陳設宣

冊印受

冊印及朝見儀注均與

貴妃禮同。

右冊妃

冊嬪之禮。

命下備

制冊奏請

命使至日發

冊。不設印案。儀與

冊妃同是日內鑾儀衛設

嬪采仗於本宮門外紅曲蓋一。鑪盒盆盂各一。餅皆二。

金質几倚各一。節二。金黃色。紅色花繖各二。紅色素扇

二。鳳旗二。金黃輿二。車一。凡擎執輿尉皆內鑾衛校

充。餘宮內陳設。不設宣

冊受

冊暨朝見儀注均與

冊妃禮同。

冊受右冊嬪

大清通禮卷之二十七

嘉禮

冊封親王。世子。郡王之禮。

命下禮。二部製親王及世子。

冊寶以金。郡王

冊印。銀質金飾。若嗣封王。注名於豫期。禮部誼吉。奏

請

命內大臣散秩大臣一人為使。內閣學士翰林院學士禮

部侍郎一人副之。屆日鴻臚寺官設案於

太和殿丹陛正中東西肆王府官備鼓吹一部於長安門外鑾儀衛設采亭於禮部堂上儀制司官陳

節

冊寶印於亭內校尉昇亭由東長安門入至

太和殿階下亭止奉

節升階陳於案封使及執事官朝服俟於丹墀禮部侍郎升東階就節案左立封使升東階詣案前北面西上

侍郎舉

節西面授正使正使持

節偕副使降階鑾儀校昇采亭從導以御仗出

太和中門至長安門外封使及執事官咸乘馬鼓吹前導詣王邸第

右遣封使

是日府屬官豫設節案於府堂內正中前設香案左設冊寶案皆東西肆設樂於儀門內設儀仗於庭中繡花曲蓋一銷金繖二繡花繖二繡花扇二皆紅色孔雀扇二青色立瓜臥瓜骨朶吾仗各四纛四旗十大刀二豹尾槍二明輿一乘馬六

世子減繡花繖二立瓜臥瓜骨朶吾

仗。纛旗。豹尾槍各二。加紅繖一。郡王。東西分列。封使復減紅繖一。大刀二。餘均與親王同。及府門下馬。正使持

節前行。府屬引贊引王朝服迎於大門外道右。跪候過。興隨入樂止。副使奉

制冊。禮部官奉寶印。隨

節。升自中階。陳

節於堂內中案。陳

冊寶印於左案。就立案東。宣冊官。禮部官立封使後。均西面引贊引王升西階。就堂內北面立。樂作。贊行三跪

九叩禮。興樂止。進至香案前。跪。禮部官詣冊案。展

制冊。宣冊官西面宣讀。訖以

制冊授正使。正使授王。王祇受。轉授從官。從官跪接。興復於案宣讀官宣寶印。副使授王如受

冊儀。封使皆復位立。王退至拜位。樂作行禮如初。禮畢。樂止。王出大門外道右立。正使奉

節出。副使及執事官從。至門外。王跪送

節。候過。興退。封使回還

節。有司皆退。

右封親王世子郡王

冊封長子員勒貝子之禮。

命下工部製

制冊以紙爲之中書科中書繕文訖送禮部既有日禮部奏請

命內閣侍讀學士侍讀翰林院侍讀學士侍講學士侍讀

侍講一人爲使禮部郎中員外郎主事一人副之屆

日鴻臚寺官設案於

太和殿階下正中禮部儀制司官奉

節。

冊於采亭鑾儀校昇行入至

殿階下陳

節於案陳采亭於案左封使及執事官入埃丹墀禮部侍

郎就節案左立封使詣案前北面侍郎舉

節西面授正使正使持

節鑾儀校昇亭導以御仗副使及執事官從出

太和中門至長安門外乘馬詣府第如諸王之儀是日

府屬官設樂於儀門內設儀仗於庭中銷金繖二繡

花扇二立瓜臥瓜骨朶吾仗各二纛一旗六明輿一

大清通志 卷二十一 四
乘馬六。貝子減銷金繖一。臥瓜馬餘同。東西分列。長子貝勒貝子迎

節冊受

冊送

節均如諸王之儀

右封長子貝勒貝子

冊封公主之禮

命下工部製

冊以金鑄字送禮部禮部誦吉奏請

命使持

節往封如親王之儀

右遣封使

是日府屬官豫設節案於公主府堂內正中前設香案左設冊案皆東西肆設樂於儀門內設儀仗於庭中曲蓋一紅寶花繖二孔雀扇二青花扇二立瓜臥瓜骨朶吾仗各二蠶二車一乘和碩公主減青花扇餘同東西分列封使及府門下馬正使持

節入采亭從公主禮服率侍女迎於儀門內道右跪候過興副使奉

册隨

節升自中階以

節

册陳於堂內各案。執案東立。宣册官禮部官立封使後。均

西面。侍女引公主由西階升詣堂中北面立。樂作。行

六肅三跪三拜禮。興。樂止。進至香案前跪。禮部官詣

册案展

制册。宣册官西面宣讀。訖。以

制册授副使。副使西面授內監。內監跪接。授侍女。侍女跪

授公主。公主祇受。仍授侍女。接以興。復於案。公主興。

退就拜位。樂作。行禮如初。禮畢。樂止。侍女引退。正使

奉

節出。副使及執事官從。公主跪送

節於儀門內如初迎禮。封使回。還

節有司皆退。

右封公主

册封福晉夫人之禮。聞五歲。禮部彙疏請封。所司製

册。親王福晉。世子福晉。金册。郡王福。送禮部。禮部奏請

晉銀質金飾。貝勒貝子夫人。紙册。

卷二十一

六

命使視親王郡王貝勒貝子是日鴻臚寺官設案於

太和殿階下禮部官奉

節。

冊節冊視彙封人爲數於采亭鑾儀校昇行入至

殿階下陳

節於案陳亭於案左各府屬官備鼓吹於長安門外封使

及執事官朝服入埃丹墀禮部侍郎率屬立節案左

封使詣案前禮部官奉各

節授正使鑾儀校昇亭副使及執事官從出

太和中門至長安門外乘馬鼓吹前導詣各府第各府

設樂於門內設儀仗於庭中曲蓋一紅寶花繖二孔

雀扇二青寶花扇二立瓜臥瓜骨朵吾仗燾各二車

一乘世子福晉減寶花扇郡王福晉復減曲蓋臥瓜

貝勒夫人復減寶花繖一骨朵燾餘與親王福晉同貝子夫人不設儀仗東西分列迎

節冊受

冊送

節均如諸公主之儀

右封福晉夫人

大清通禮 卷二十八
凡封郡主縣主郡君之禮。閒五歲由部彙請遣使往封。均用紙冊。郡主儀仗視郡王。福晉縣主郡君視貝勒貝子夫人。餘儀同前。

右封郡主縣主郡君

大清通禮卷之二十八

嘉禮

頒詔之禮。是日禮部官設案於堂上。設香亭龍亭於

午門外。樂部和聲署陳樂於香亭南。內務府官設金鳳朶雲於

天安門樓雉口正中。工部官設臺於樓內東楹之南。鴻臚寺設案於臺上。南北肆。宣詔鴻臚寺官四人立臺下。鳴贊二人立金鳳左右。八旗領催五城耆老集外金水橋前。東西祇候。

皇帝受賀禮畢。還宮。禮部儀制司官以雲盤承
詔書。恭奉出。

太和。中門。導以繖仗。官屬前引。尚書侍郎從。百官隨出。
至。

午門外。設於龍亭。行一跪三叩禮。興。校尉昇行。導引如
初。導迎樂作。登極頒詔樂陳而不作。奏禧平之章。辭曰。申命

重異。綸下九閭。勻出萌達。百昌咸振。象魏懸。韶鐸巡。
德惠宣。天地春。至。

天安門。鴻臚寺官引百官出。豫往金水橋南東西。按班

序立。領催耆老別為班。隨後立。皆北面。龍亭由東道
升樓。設於正中。南向。奉詔官進。跪叩如初。恭奉

詔書登臺。恭設案上。退立臺東。禮部官移龍亭下樓。陳於
門外。鳴贊贊有。

制。眾皆跪。宣詔官登臺。西面。展

詔書。先宣滿文。後漢文。畢。復於案退。贊跪叩。興。百官及領
催耆老。三跪九叩。興。鴻臚寺官引退。奉詔官奉

詔書置朶雲內。綵繩懸繫自金鳳口中。脚下。禮部官接受。
仍設於龍亭。跪叩。校尉昇行。導引如初。由

大清門詣禮部。陳於堂中。尚書侍郎率屬行三跪九叩禮。恭鑄騰黃。

頒行天下。

右宣詔書

詔下直省之禮。禮部按直省督撫駐劄之地。行取閣部院寺筆帖式。乘傳齎

詔前往頒布。工部給龍旗繖仗前導。所經府州縣五里之內。文武官朝服跪迎。軍民伏道右。候過。省會有司豫於公廡設屏。南向。屏前設

詔案。又前設香案。案東設臺。階下爲文武官拜位。文東武

西。重行異等。如朝賀儀。詳見三紳士班於文官之末

耆老軍民集於武官之末。皆北面。宣詔官一人。展詔官二人。立臺下。西面。通贊者立香案左右。引禮生立

百官班位左右。皆東西面。

詔及郊。守土官備龍亭旗仗出迎。使者承

詔書以架。奉陳龍亭內。乘馬後隨。鼓樂前導。總督暨同城文武大僚率所屬文武官。朝服出迎道右。跪。候過。興。先至公廡門外序立。紳士耆老軍民畢會。

大清通禮 卷二十八 三
詔至門。跪迎。如初禮。使者下馬。從龍亭入。衆隨入。使者奉
詔書陳於案。退立案東。西面。引禮生引羣官就位。北面立。
通贊贊跪叩。與衆行三跪九叩禮。贊宣

詔。使者奉

詔授宣詔官。復位立。宣詔官跪接。登臺。展詔官一人從升。

均西面。展

詔書。宣讀訖。復於案。皆降。衆聽贊。復行三跪九叩禮。如初
退。使者以

詔授督撫。恭鐫膳黃。頒學政。鹽政。織造。管關。兩司。道府。轉

頒所屬州。縣。衛。將軍。提鎮。協將。轉頒所屬營。汛。至日。

宣布軍民。均與省會儀同。

右頒詔直省

詔下朝鮮國之禮。禮部豫列內大臣侍衛。禮部滿侍郎內

閣滿學士銜名。奏請

命正副使各一人。啟程有日。使者赴禮部領

詔書。工部給御仗。旗。繖。使者乘傳以行。至朝鮮國境。其國
守土吏。治館傳。所經地。文武官跪接候過。如直省之

詔書。前期於國門外治館舍供張。備龍亭香亭儀仗鼓樂。祇候於館。設屏於王殿上正中。前列

詔案香案。設國王拜位於殿階上。設衆官拜位於庭內東西。重行異等。皆北面。宣讀官一人立

詔案之東。展詔官二人立。宣讀官南。均西面。司禮二人。位國王拜位之北。皆東西面。使者既及國。迎接官迎

詔書至館。恭設龍亭內。馳報國王。王率其國陪臣朝服郊迎。迎接官以龍亭行。香亭儀仗鼓樂前導。使者乘馬從。國王以下咸跪候過。與隨行入國門。至殿內。使者

於殿門外下馬。從入龍亭。設於殿中。使者立於龍亭東。西面。儀仗陳於階下。樂懸陳於門內。引禮引國王升階。就拜位。北面。引班引衆官均就拜位。北面立。司禮贊跪。王率衆官皆跪。贊叩。興。樂作。國王以下行三跪九叩禮。興。樂止。使者進於龍亭奉

詔書。授宣詔官復位。宣詔官跪受。詣開讀案。展詔官進立左右展

詔。宣詔官西面宣讀。訖。跪授使者。復於龍亭。執事者退。使者復位立。司禮贊叩。興。國王率陪臣行三跪九叩禮。

大清通志 卷二十一
五
如初。使者奉

詔書授國王。國王跪受。付所司頒行。使者與國王揖讓行禮。辭出。國王拜送於大門外。適館。國王詣館饗燕。致饗餼。如禮。及歸。拜送於國門外。使歸至京。以事竣復命於朝。

右朝鮮國迎接詔書

